

Gvangjsih Minzcuz Bau

Cawigueni: Gvangsiah Bouxcuengh Swcigh Minzcuz Cunghvau Swvu Veijvenzvei

Cawjbanh: Gvangsiah Minzcuz Bause

Geiz neix 8 bani

广西民族报 Aenhauh okbanj: CN45-0036

B.2025

Nd.10 Ng.15

Liggaeuq ietceih nienz ndwenbet ngeihseiq Geizsoq: Gungh daih 3689 geiz

Swcigh Dangjvej Hai Aen Hoih Doxyaeng Ciendaez Haenqrengz Hwngfat Gizdieg Ginghamci Bi 2025

10 nyied 10 hauh, Swcigh Dangjvej youq Nanzningz hai Aen Hoih Doxyaeng Ciendaez Haenqrengz Hwngfat Gizdieg Ginghamci Bi 2025, haeujlaeg doekguh baenzroix lwnhgangj youqgaenj gvendaengz gizdieg ginghamci hwngfat caeuq gij iugouz youqgaenj gvendaengz lwnhgangj hong Gvangsiah Siz Ginbingz cungsuhi, dingq gij yigen genyi haenqrengz hwngfat gizdieg ginghamci gak minzcuj dangjbai, gunghsanghlengz, bous daibyaui mbouj miz dangjbai, caezcaemh doinyoengx gih raeuz gizdieg ginghamci hwngfat ndei saed, haenqrengz ok goengrengz Gvangsiah coengh gij yendaiva yiengh Cungguek roengzgiek maenhdw. Swcigh Dangjvej suhgi Cinz Gangh cujiz aen hoih caemhcaiq gangjvah. Swcigh Dangjvej fusuhgi, Swcigh cujsiz Veiz Dauh camgya haihoih caemhcaiq gangjvah.

Cinz Gangh daegbied gangj daengz, hwngfat gizdieg ginghamci aeu daj goek gajgez ndei aen vwndiz "naemj mbouj naemj guh", caen gikfat

gij rengz ndaw ganbu gizdieg guh saeh cauhiieb, baengh gagrox caeuq dangrap haenqrem, gag naemj diuzroen gizdieg hwngfat, gaenx maeuzveh gij banhfap gizdieg ndaej hwngfat, haenqrengz doinyoengx gizdieg ginghamci mboujduenh haicauh buenz moq. Aeu niujdawz cungdenj gajgez ndei aen vwndiz "guh gijmaz", caezcingj cinjdeng doekguh gij leixniemh hwngfat moq liuxliux, sojmiz daj gij saedsaeh gizdieg haidin, dawzmaenh diuzroen "ciuq saed dingh geiq, hwngfat gijndei, canjnieb hwng yienh, fouq minz demsou, swnghdai cuk gieq, singz mbanj yungzhab", lai gotdawz aen seizdaih yinzgungh cinwngz, doinyoengx it ngeih sam canjnieb yungzhab hwngfat, hawj engq lai vnz youq bakdou couh miz hong guh, faenloih doinyoengx hwnqguh hawsingz yienghmoq, haenqrengz cauhiieb aen gwziz moq gizdieg ginghamci daegsaek ronghsien, gijndei doxbouj, rengz doxceng ak. Maqmuengh gak minzcuj dangjbai, gunghsanghlengz caeuq bous mbouj

miz dangjbai lai yungh gijndei lienzhaeh gvangq lai, dungxaiz ak, laebdin dieg hong bonjfaenh, gaemdawz seizgei hwngfat, gaenx gangj coenz miz yungh lai ok banhfap, lai ok goengrengz doinyoengx Gvangsiah gizdieg ginghamci hwngfat ndei saed.

Veiz Dauh daegbied gangj daengz, aeu lai rox doinyoengx gizdieg ginghamci hwngfat youqgaenj caeuq gaenjgip, lai yungh gijndei, guhbaenz ndei rwx doxbouj, yungh ndei gijndei diegvih caeuq cwngcwz gih raeuz, yungh ndei gij swhyenz ndei aen' aen yienh, caez dingh aen gviveh gizdieg canjnieb hwngfat, "aen yienh aen banhfap" ciuq saed dingh geiq doinyoengx baenaj, dajcauh buek canjnieb ndei gizdieg miz rengz doxceng ak ndeu; aeu dawzmaenh sam canj boiqhab, saekloeg hwngfat, aeu lohnaemj guh gunghyez bae guh nungzyez, doinyoengx nungzyez "ciep ngeih rangh sam", guhbaenz it ngeih sam canjnieb yungzhab laegdaeuq, gyavaiq cienjyiengh baenz saekloeg

hwngfat liuxliux, guhbaenz rangh comz canjnieb gizdieg dox boiqhab raenhamq haenx; aeu gyaak ciu canghseng' ei, daeu roengz cienz, dawzmaenh boudaez ciengzseiz ciu canghseng' ei, gangj ndei gij gojgaeq Gvangsiah, ciuyinx hanghmoeg giyez ndei doekdieg majrag, haiva dawzma; aeu yungh ndei aen yenzgih, guhlaeg "dieg biucinj+yiengh wngqingz+bang ban caez" gajgwz, laebdaeb daezswng fugsah yauqnaengz, cungbyoengq gizsaek roengzgoek giyez, gikfat rengzhoengh hawciengz ndei' ndi, hawjrengz gizdieg ginghamci hwngfat; aeu gaem ndei aen seizgei dinghguh hengzguh gizdieg ginghamci "cauh daez ceng ndei" sam bi hengzdoengh fueng' anq, lai gyalai caizcwngh haeujcoengh, laebcaez aen gihci gaujhaed gikleih, gunghanq engqlai gizdieg miz gij ak, doenggvaq aen yienh ak byaij gonq ragdoengh gak aen yienh baenaj.

(daj 《Gvangsiah Yizbau》 aeu daeu genj hoiz Loz Canghlieng Gungh Vwnzyingj)

Lungzswng: Seizcou Haeuxcid Nding Baenz Sou

Mboengqneix, Lungzswng Gak Cuz Swciyen Lozyangh Cin Dilingz Cunh haeuxcid nding baenz sou lo, vnzmbanj dangdieg ganj seiz mbwn ndit sou haeuxcid nding, doenghnaz yawj bae nyaengqnyatnyat.

Haeuxcid nding Lungzswng youq bi 2018 ndaej nyinhcingq baenz huq reihnaz miz gij biu deihleix guekgya, dwg aen canjnieb miz daegsaek dangdieg ndawde aen ndeu. Geij bi neix daeu, aen cin neix doenggvaq riuzcienj cinghab reihnaz vnzlai, doihengz aen hwngfat vungsik "nungzminz conhyez hozcozse + dieggiek + nungzhu", ciuq saed dingh geiq bae ndaem haeuxcid nding, hawj vnzmbanj lai miz ngaenz roengz daeh, bangrengz guhhoengh lajmbanj.

(Banh Cisiengz)

Geij Ngoenz Gozging Gvangsiah Vunz Hamj Gyaiq Baedauq Ca Mbouj Lai Ik Vunzbaez

10 nyied 9 hauh, Swcigh Gyauhdungh Yinsuh Dingh lwnh vunz rox, bineix geij ngoenz gozging, Gvangsiah daengx biengz vunz hamj gyaiq baedauq daengz 9992.27 fanh vunzbaez, ngoenz bingzyaenz 1249.03 fanh vunzbaez, doengzbeij lai hwnj 12.18%. Daengx gih roenloh daehyinh cungj byaij ndaej ancienz,bingzonj, miz bouhloh.

Ciuq cam rox, geij ngoenz gozging, daengx gih goengloh vunz baedauq gungh 9402.54 fanh

vunzbaez. Ndawde, daengx gih goengloh ci yinh hek aeu ngaenz 1167.84 fanh vunzbaez, gauhsuz goengloh caeuq itbuen roen guek ciq mbouj dwg yinh hek aeu ngaenz baedauq 8234.7 fanh vunzbaez.

Daengx gih dietloh gungh guhsat yinh hek 497.3 fanh vunzbaez, ngoenz bingzyaenz 62.16 fanh vunzbaez; minzhangz gungh guhsat yinh hek 62.35 fanh vunzbaez, ngoenz bingzyaenz 7.79

fanh vunzbaez; ruz yinh hek gungh guhsat 30.08 fanh vunzbaez, ngoenz bingzyaenz 3.76 fanh vunzbaez.

Gauhsuz goengloh fuengmienh, daengx gih gauhsuz goengloh gizhaeuq gizok ci baedauq gungh 3711.68 fanh gyaqbaez (ndawde ciq 3414.88 fanh gyaqbaez), ngoenz bingzyaenz 463.96 fanh gyaqbaez, doengzbeij lai hwnj 16.5%.

(Vangz Yenjlaz Veiz Nen)